

七

吳黼堂
評註

陳無擇三因方

上海棋盤街
文瑞樓印行

省中醫藥學會藏

編號 11-185 $\frac{7}{8}$



三因極一病源論粹方卷之十五

瘰癧病證治

夫九漏形疹。皆瘰癧於項腋之間。發作寒熱。其根在藏府。千金所秘。雖名九漏。別錄方證。其名更多。糧漏根於肝。得之憂怒。鼠漏根於胃。得之食鼠毒。蠅蛄漏根於大腸。得之食果。蜂漏根於脾。得之飲流水。有蜂蠅。虻蜉漏根於腎。得之食中有虻蜉毒。蟬螬漏根於心。得之喜怒哭泣。浮蛆漏根於胆。得之思慮。瘰癧漏根於腎。得之新沐髮轉脈。漏根於小腸。得之驚卧失枕。此等因證。文義不明。未知所始。若以理例較之。怒根在肝。鼠毒在胃。食瓜果在大腸。蜂水在脾。姑且通俗易曉。如轉脈因驚。根當在胆。却云在小腸。浮蛆因思慮。根當在脾。却云在胆。瘰癧因沐髮。亦不當在腎。名義不通。似難考據。又況哭泣得蟬螬之名。思慮則浮蛆之名。此尤不可曉也。其外更有風漏。冷漏。蝎漏。

蜣螂漏蚯蚓漏蝦蟆漏等。名狀不一。諒皆出於土俗。隨象命名耳。難考據。治之法。觀其未著於肌肉。而外為膿血者。從本引末。可使針之灸之。傳之解之。從其所因。宣通本藏。皆有成法。千金又有決死生法。反其目。視其中有赤脈。從上下貫童子。見一脈。一歲死。其二脈半。一歲半死。二脈二歲死。三脈三歲死。赤脈不下貫童子。可治。雖有是說。驗之病者。少有是證。亦難考據。此往往是三陽傳諸陰經。方有之。若本臟發。未必有是。學者知之。

必勝丸 治瘰癧。不以年深日近。及腦後兩邊有小結連。復數個。勞瘵腹中有塊。

鮑魚 一尾。去腸肚。及子。人雄黃一塊。如雞子大。硃砂一錢。在腹中。仰安魚于炭火上燒。烟盡取出。以全蜈蚣一條。蓬朮半兩。梔子五箇。皂角二挺。並燒之。草麻子五箇。去皮。燈上燒。更用黃明膠二

條皂角二挺。去皮。酥炙為末。別用皂角二挺。去皮槌碎。以水三碗。揉汁去渣。煮精羊肉四兩。爛軟。又入輕粉五匣。女子乳汁半兩。同研為膏。共和藥末為丸。如桐子大。硃砂為衣。元本如菜豆大溫酒。於清晨下十九。日一服。至晚下肉疙疸子。若項有五箇。則以五服藥取之。視其所生多少。以為服數。既可。更進數服。如熱毒瘡。癰。未有頭腦者。一服亦須消散。

白花蛇散 治九漏瘰癧。發於項腋之間。憎寒發熱。或痛或不痛。

白花蛇

酒浸軟。去皮。骨去胞。二兩。

生犀角

鎊半錢。

黑牽牛

半兩。半炮。半生用。

青皮

半兩

右為末。每服二錢。膩粉半錢。研勻。五更時糯米飲調下。巳時下惡物。乃瘡之根也。更候十餘日。再進一服。忌發風壅熱物。如已成瘡。一月可效。用之神效。

四聖散

治療癰。用白花散取效後。須用此補之。永去其根。

海藻

洗

石決明

煨

藿麥穗

羌活

各等分

右為末。每服二錢。米湯調下。日三服。下清水。盡為度。

蝸牛散

治療癰已潰未潰。皆可貼。

蝸牛

不拘多少。竹索串瓦上晒乾。燒存性。

右為末。八粒粉少許。猪骨髓調。用紙花量瘡大小貼之。一法以

帶殼蝸牛七箇。生取肉。入丁香七枚。於七殼內。燒存性。與肉同研

成膏。用紙花攤貼之。

旱蓮子丸

治少長藏氣不平。憂怒驚恐。諸氣抑鬱。結聚癰癰。滯留

項腋。及外傷風寒。燥濕。飲食百毒。結成諸漏。發作寒熱。偏於項腋。

無問久近。悉主之。

旱蓮子

連翹子

威靈仙

何首烏

蔓荊子

三稜

醋浸。濕紙裏煨。



北京中醫藥大學圖書館

赤芍藥

各一兩

木香

二兩

大皂角

三挺去皮酥炙或用羊脂代之

右為末糊丸梧子大以茶清下三十丸至五十丸日三服小兒量與之食後服

吳鞠堂曰瘰癧為癆病之根乃肺病牽引而吸核脹大也此與肢節生瘡即生炎核相類凡見此等瘰者宜早治之

瘰癧證治

夫血氣凝滯結瘰癧者雖與癰疽不同所因一也瘰多著於肩項瘰則隨氣凝結此等皆數年深遠浸大浸長堅硬不可移者名曰石瘰皮色不變即名肉瘰筋脈露結者名筋瘰赤脈交絡者名血瘰隨憂愁消長者名氣瘰五瘰皆不可妄決破決破則膿血崩潰多致夭枉瘰者有六曰骨瘰脂瘰肉瘰膿瘰血瘰亦不可決潰肉瘰尤不可治治則殺人惟脂瘰破而去其脂粉則愈

破結散

治石癭氣癭勞血癭憂癭等證

海藻

洗

龍胆

海蛤

通草

昆布

枯礬石

松蘿

各三分

麥麴

四分

半夏

右為末以溫酒服方寸七日三忌鯽魚猪肉五辛生菜諸雜毒物十日知二十日愈

白膏

治一切風熱毒腫及藏氣鬱結丹石發動結為癰疽瘰癧諸

瘡腫未破即令消散九漏侵淫膿汁淋漓諸治不差者悉主之

白薇

白欬

白芨

甘松

薤白

各半兩剉洗以清油一斤煎至半斤去滓入後藥

黃

芪

當歸

各半兩再入油煎大濾去渣再入後藥濾用綿

藿香

零陵香

防風

各半兩

定粉

寒水石

煨水飛研細各二兩

黃蠟

三兩

白芷

半兩

右再煎滴水成珠磁器盛之以腦子少許摻其上煎時忌鉄器以

柳青枝攪



附骨疽證治

附骨疽與白虎飛尸。歷節風皆相類。癰瘍則走注不定。白虎飛尸痛淺。按之則便止。附骨疽痛深。控之無益。又一說。白虎飛尸。亦能作膿著骨而生。及其腐潰。碎骨盡出方愈。如是。則附骨疽與白虎飛尸。是一病。但淺深不同耳。白虎飛尸。又俗名風煞。然病附骨疽少。有骨出者。宣拔毒熱。不可一向泥五香連翹漏蘆之屬。當先溫腎。如靈寶膏。乃神藥。惟在針烙淺深。刺拔其毒根。則易愈。不爾。則順脈流走。遍體紅腫。卒致不救。

吳黼堂曰。此症若蛀骨。則難愈。西洋醫必刮去之。

蟾蜍膏 治附骨疽久不差。膿汁敗壞。或骨從瘡口出。

大蝦蟆 一隻

亂髮

一團如雞子大

豬脂油

右三物同煎。畧盡濾去渣。凝如膏。貼之。凡欲貼瘡。須先以桑白皮

烏荳煎湯淋洗拭乾以龍骨煨為粉摻瘡四邊令易收然復方用藥貼

黑鯽膏 治附骨疽腫熱未破已破或膿出不愈

黑色鯽魚

一頭去腸肚入白鹽令滿以線縫煎

用銅石器煮水一盞盡魚乾焦為末

脂油調傳已久破則乾摻少有痛意勿怪

赤朮丸 治附骨疽膿出淋漓久久不差已破未破皆可服

赤朮一斤米泔浸一二宿或三宿洗淨晒乾再以天麻腐干水浸

十日入川椒二十一粒葱白七根煮黑荳出洗淨焙乾秤一斤

破故紙

炒

川棟子

剉炒

茯苓

舶上茴香

杜茴香

白芷

桃仁

去皮炙炒各半斤

右為末煉蜜丸梧子大每服五十丸溫酒鹽湯任下

一方用槲葉樹皮燒灰為末服方寸匕



新

北京中医药大学图书馆

一方 用蜜陀僧為末以猪脊骨髓調傳之兼治痔漏不愈

疔瘡證治

世醫治諸傷寒在諸風之前癰疽冠雜病之首言此二證重大急切然方論疔瘡又在癰疽之先其意謂急切甚矣但江左見此病少醫者不以為事病源既有不可不知且依千金類例具列於後既不能究其源亦不敢妄有改作一曰麻子疔肉上起頭如黍米色稍黑四邊微赤多痒忌食麻子及麻衣入麻田中行二曰石疔皮肉相連色烏黑如黑豆甚硬刺之不得入肉隱隱微痛忌瓦礫磚石之屬三曰雄疔胞頭黑體四畔仰瘡胞漿起有水出色黃大如錢孔忌房事四曰雌疔瘡頭稍黃向裏靨黑亦似炙病四畔胞漿起似錢孔口色赤忌房事五曰火疔狀如湯火燒灼瘡頭黑靨四邊有胞漿起如赤粟米忌火爍炙六曰爛疔色稍黑有白班瘡中潰潰有膿水流出瘡

形大小如匙面。忌沸熱。食爛帛物。七曰三十六疔。頭黑浮起。形如黑
。四畔起赤色火。今日生一。明日生二。三日生三。若滿三十六日。藥
所不治。俗名黑炮。忌嗔怒蓄積愁恨。八曰蛇眼疔。瘡頭黑。皮上浮生
形如小豆。狀似蛇眼。大體硬。忌惡眼看之。并嫉妬人。及見諸毒。九
曰鹽膚疔。狀如匙面。四邊皆赤。有黑粟粒起。忌鹹食。十曰水洗疔。狀
如錢。或如錢孔大。瘡頭白裏黑。膿汗出中硬。忌飲漿水。水洗渡河。十
一曰刀鐮疔。瘡濶狹如薤葉大。長一寸。左右側肉黑如燒爍。忌刺及
刀鐮切割。鉄及所傷。可以藥治。十二曰浮嘔疔。瘡體曲圓。少許不合。
長而狹。如薤葉大。內黃外黑。黑處刺不痛。內黃處刺之則痛。十三曰
牛狗疔。肉炮起。招不破。此十三證。初發必先痒後痛。先寒後熱。熱定
又復發寒。四肢沉重。頭痛心驚。眼花大。重者嘔逆則難治。麻子疔。始
末唯疔所錄。忌者不得犯。犯即難治。浮嘔牛狗疔。無甚忌。總不治亦

不殺。人欲知觸犯。但脊強瘡痛。極甚不可忍者。是犯之狀也。學者宜潛心焉。

治三十六疔患。以此方治之。

以緋帛一片。裹藥。取匣為限。亂髮雞子大。攤布上。牛黃如梧子大。及鈎棘針二十一枚。赤小豈七粒。為末。並布髮上。捲緋帛作團。外以髮作繩。十字縛之。熨斗中急火燒灰。研篩細。以枸杞或子或根皮枝葉。隨得為末。用枸杞末二匕。緋帛灰一匕。共三匕。研勻。分二服。空心酒調下。

蒼耳散 治一切疔腫神良方。

蒼耳 根莖苗子。但取一色。便可用。燒為灰。醋泔淀和如泥塗上。乾即換之。不過十度。即能拔根出矣。

吳鞠堂曰。蒼耳子治疔良藥。其虫尤神效。讀冷廬醫話自知。

腸癰證治

癰疽初無定處隨其所發以命名。在外則為發背發腦。在內則為腸癰。內癰心癰腎癰肺癰臍癰等。治得其法則生。失其法則死。外證易識。內證難明。不可不備述也。腸癰為病。其身甲錯。腹皮急。按之濡如腫狀。腹無積聚。身無熱。脈數。此為腸內有膿。久積陰冷所成也。金匱用附子溫之。小腹腫痞。按之痛如淋。小便自調。發熱身無汗。復惡寒。其脈遲緊者。膿未成。可下之。有血脈洪數者。膿已成。不可下。以內結熱所成也。故金匱用大黃利之。甚者腹乃脹大。轉側聞水聲。或繞臍生瘡。或膿從臍出。或大便出膿血。不治必死。其如五内生瘡。亦止分陰陽利而已。不比外癰須依四節八事之次第也。千金引官羽林婦病。醫診之。其脈滑數。滑則為實。數則為熱。滑則為榮。數則為衛。衛數下降。榮滑上升。榮衛相干。血為敗濁。小腹痞堅。小便或瀉。或復

汗出或復惡寒。為膿已成。設脈遲緊。即為瘀血。血下即愈。更內經所載有息積病。比見有得之二三年。徧身微腫。續乃大腸與臍達口出膿。遂至不救。此亦腸癰之類也。不可不審。

薏苡仁附子敗醬散 治脈數身無熱。腹無積聚。按之濡。此為腸癰。

米仁

二兩半

附子

炮半兩

敗醬

一分

右咬咀。每服四錢。水二盞。煎七分。去渣。空心服。小便利為效。

大黃牡丹湯 治腸癰。小腹腫痞。按之即痛如淋。小便自調。時時發

熱。自汗出。復惡寒。其脈遲緊者。膿未成。可下之。當有血脈洪數者。

膿已成。不可下。

大黃

蒸半兩

牡丹皮

一錢

桃仁

去皮尖半兩

瓜子

三分

芒硝

二分

右咬咀。為一服。水三升。煎八分。去渣。入芒硝。再煎沸。頓服。無時。

薏苡仁湯 治腸癰。腹中疝痛。煩毒不安。或腹滿不食。小便溢。婦人



產後虛熱多有此病。總非癰。但疑是便可服。就有差誤亦無害。

薏苡仁 五兩

牡丹皮

桃仁 各三兩

瓜瓣仁 四兩

右剉散。每服四錢。水一盞半。煎七分。去渣服。無時。

五痔證治

經云。腸癖為痔。如大澤中有小山突出為峙。於人九竅中。凡有小肉突出者皆曰峙。不特于肛門邊生也。亦有鼻痔。眼痔。牙痔等。肛中證狀不一。方書分出五種。曰牡曰牝曰脈曰腸曰氣。牡痔者。肛邊發癰數箇如鼠乳。突出一枚。五六日後潰出膿血自愈。牡痔者。肛邊發癰數箇如鼠乳。狀脈痔者。無頭。脈中并小竅注下清血。腸痔者。生在腸內。更衣時非接搦不入。氣痔者。遇憂怒則發。肛門腫痛。氣散則愈。治之治法。切勿用生砒毒氣入腹。反至奄忽。近見貴人遭此痛不可忍。言因書以戒後學。

五灰散 治五痔。不問內外。牝牡寒溫勞濕。悉主之。



蟹甲治壯

蝟皮治牝

猪左足懸蹄甲治腸

蜂房治脈

蛇

脫治氣痔
各等分

右燒存性隨證倍一分為末并花水調二錢空心臨卧時服

熏法

蝟皮方三指
大切

熏黃棗大
研

熟艾鷄子
大

右為末用瓶器以灰寔一半如燒香法安長桶內坐其上熏之煙從口出為佳凡三度熏永差勿犯風冷忌鷄肉毒物

洗法

海桐皮剉

蛇床子各一兩

香南藤剉

葱白切各三兩

右用水一斗入藥五兩煎減半去滓候溫着手輕輕洗以絹拭之乾

一方止用槐白皮煎湯淋灑最妙



貼藥

蜀葵子 半兩

蟬壳 五箇

檳榔 一枚

右為末。用棗肉三枚研細。和藥末。如覺硬。滴少蜜。

研成膏。量大小貼病處。

吳黼堂曰。諸痔久者。皆有漏管。余家傳有靈驗之藥。可以脫管。若西醫用割法。外科用藥槍。痛苦萬狀。非法之善者。

辨腸風論

夫有五痔人。登圜則下血。或點滴。或併箭。或清或濁。唇白面黃。心忪脚弱。頭目眩暈。此因飽食坐久。腸澼所為。亦有飲酒房勞。過度所致。醫多指此為腸風藏毒。然腸風藏毒。自屬滯下門。藏毒即是藏中積毒。腸風即是邪風入藏。純下清血。謂之風利。今五痔下血。乃是酒痔脈痔。其血自肛門邊。別有一竅。如針孔。大滴淋而下。與洩物不同道。

